

Юстинск района Советин сессий

Одахн куч-көлсчирин депутатирин Юстинск района Советин сессий болв. Сессий деер мал үвлзүүлгэнэ йовудин тускар района селэнэ эдл-ахун инспекцин начальник ур А. Ф. Попов доклад кев.

Района совхозмуд эн джил чилгчэр 259634 хобтэ болх баясмн, болв ода 242947 хон баянэ. Джилэ зурагган эс кучцалгын совхозмудин гардачир, тер дотр зооветеринарн специалистир хобдосклгэнэ кодлмшиг сулар гардсна учр, дакад хобдасик гару гарсн учр болджана. Келхд, „Полынный“ совхозин хобдас ноябрь сарин эргцд 220 хон гарутдж, терунас бралнь махнд гидж алгддж, — гидж ур А. Попов шалгэдж келв.

Мал үвлзүүлгын йир муугьар кегдлжэнэ. Улгүрлхд, „Енотаевский“ совхозд баях 50 кошарас 80 процентнь үвлд ода чигн белн болад уга. 10 миньгын тонн белддж авсн өвснэс арэ гидж 2916 тонн өвсн малин үвлзньгүр зобгддж.

„Никольский“ совхоз хобнэ 52 хашата, терунаснь зуг 70 процентнь үвлд бел кегддж, белддж авсн 13 миньгын тонн өвснэс зуг 3,5 миньгын тонн өвсн малин үвлзньгүр зобгддж.

Наадк совхозмудар мал үвлзүүлгын бас сан гидж келдж болшго гидж сессийд депутатир темдгддж келцхэв.

Тегэд района совхозмудин гардачир болн зооветеринарн специалистир мал үвлзүүлгэнэ кергиг шишлнь эврэннь гартан авч, малин хаша-хаацсиг цаг тудал уга дигтэгээр ясдж, малин хотхоолиг үвлзньгүр зобдж авлгын эрки тор гидж сессий шиидв.